

গণপ্রজাতন্ত্রী বাংলাদেশ সরকার
জেলা প্রশাসকের কার্যালয়, নওগাঁ
(স্থানীয় সরকার শাখা)
www.naogaon.gov.bd

০১/২০২৩ নম্বর বিভাগীয় মামলার চূড়ান্ত আদেশ

জনাব আবু হাসান শাহরিয়ার, ইউনিয়ন পরিষদ সচিব (সাময়িকভাবে বরখাস্তকৃত), দিবর ইউনিয়ন পরিষদ, পট্টীতলা, নওগাঁ গত ০৬/০৮/২০২৩ স্থি. তারিখে দিবর ইউনিয়ন পরিষদে যোগদানের পরে শুধু ১১/০৯/২০২৩ তারিখে ১ দিন অফিস করে কর্তৃপক্ষের বিনা অনুমতিতে অফিসে অনুপস্থিত রয়েছেন মর্মে দিবর ইউনিয়ন পরিষদের চেয়ারম্যান তাঁর কার্যালয়ের ১৯/০৯/২০২৩ তারিখের ১২০/২০২৩ নং স্মারকে জানিয়েছেন। তার মোবাইল ফোনে যোগাযোগ করেও তাকে পাওয়া যায়নি। তিনি মোবাইল ফোন বন্ধ রেখেছেন। ইতোঁগুর্বেও তার একই ধরনের অপরাধে ১/২০১৪ নং বিভাগীয় মামলায় ০৪/০২/২০১৫ তারিখের আদেশে ০২ (দুই) টি বার্ষিক বর্ষিত বেতন ০২ (দুই) বছরের জন্য স্থগিত করা হয় এবং ০১/২০১৬ নং বিভাগীয় মামলায় ২০/১২/২০১৭ তারিখের আদেশে ০১ টি বার্ষিক বেতন বৃদ্ধি ০১ বছরের জন্য স্থগিত রাখা হয়। তারপরও তার আচরণের কোন পরিবর্তন হয়নি এবং তিনি সংশোধন হননি।

২। জনাব আবু হাসান শাহরিয়ার কর্তৃপক্ষের বিনা অনুমতিতে ০৭/০৮/২০২৩ তারিখ থেকে ১০/০৯/২০২৩ তারিখ এবং ১২/০৯/২০২৩ তারিখ থেকে ১৮/০৯/২০২৩ তারিখ পর্যন্ত মোট ৪২ (বিয়লিশ) দিন কর্মস্থলে অনুপস্থিত ছিলেন যা স্থানীয় সরকার (ইউনিয়ন পরিষদ) কর্মচারী বিধিমালা, ২০১১ এর ৩৪ (ক) (খ) বিধির বিধান মতে দায়িত্ব পালনে অবহেলা ও অসদাচরণের শামিল এবং শাস্তিযোগ্য অপরাধ। জনাব আবু হাসান শাহরিয়ার, ইউনিয়ন পরিষদ সচিব, দিবর ইউনিয়ন পরিষদ, পট্টীতলা, নওগাঁ এর উক্তরূপ আচরণের কারণে স্থানীয় সরকার (ইউনিয়ন পরিষদ) কর্মচারী বিধিমালা, ২০১১ এর বিধি ৪০ (১) এর বিধান মতে এ কার্যালয়ের ০৪/১০/২০২৩ তারিখের ০৫.৪৩.৬৪০০.১০৯.১৩.০৩৬.২৩.৭১৪ নং স্মারকে সাময়িক বরখাস্ত করা হয়েছে এবং তার বিবুদ্ধে ০১/২০২৩ নং বিভাগীয় মামলা বৃজু করা হয়েছে।

৩। অতঃপর স্থানীয় সরকার (ইউনিয়ন পরিষদ) কর্মচারী বিধিমালা, ২০১১ এর বিধি ৩৪ (ক) (খ) অনুযায়ী যথাক্রমে “দায়িত্ব পালনে অবহেলা” ও “অসদাচরণের” অভিযোগে অভিযোগনামা ও অভিযোগ বিবরণী প্রস্তুত করত: তার কাছে প্রেরণ করে ১০(দশ) কার্যদিবসের মধ্যে যথাযথ কর্তৃপক্ষের মাধ্যমে জবাব প্রেরণের জন্য নির্দেশ দেয়া হয়। উক্ত অভিযোগনামা ও অভিযোগ বিবরণীর প্রেক্ষিতে জনাব আবু হাসান শাহরিয়ার এর ১৫/১০/২০২৩ তারিখের জবাব এবং ৬/১২/২০২৩ তারিখে অনুষ্ঠিত ব্যক্তিগত শুনানী পর্যালোচনায় সন্তোষজনক বিবেচিত না হওয়ায় এ কার্যালয়ের একজন সহকারী কমিশনারকে তদন্ত কর্মকর্তা নিয়োগ করা হয়।

৪। তদন্ত কর্মকর্তার ৯/১/২০২৪ তারিখের প্রতিবেদনসহ সংশ্লিষ্ট সকল রেকর্ডপত্র পর্যালোচনায় ইউপি সচিব জনাব আবু হাসান শাহরিয়ার এর বিবুদ্ধে স্থানীয় সরকার (ইউনিয়ন পরিষদ) কর্মচারী বিধিমালা, ২০১১ এর বিধি ৩৪ এর উপবিধি (ক) ও (খ) অনুযায়ী ‘দায়িত্বে অবহেলা ও “অসদাচরণ” এর অভিযোগের সত্যতা থাকায় তাকে একই বিধিমালার বিধি ৩৫ এর উপবিধি (খ) (ংসৈ) অনুযায়ী গুরুদন্ত হিসেবে কেন তাকে চাকুরি হতে বরখাস্ত করা হবে না তা জানতে চেয়ে পত্র প্রাপ্তির ৭ (সাত) কার্যদিবসের মধ্যে লিখিতভাবে জবাব দাখিলের জন্য ২৮/১/২০২৪ তারিখের ০৫.৪৩.৬৪০০.১০৯.১৩.০৩৬.২৪-৫৯ নং স্মারকে ২য় কারন দর্শনোর নোটিশে প্রেরণ করা হয়। তিনি কোন তারিখ উল্লেখ না করে যথাযথ কর্তৃপক্ষের মাধ্যমে তার ২য় কারন দর্শনোর নোটিশের জবাব দাখিল করেন, যা উপজেলা নির্বাহী অফিসার, পট্টীতলা, নওগাঁ ১৩/১২/২০২৪ তারিখে এ কার্যালয়ে প্রেরণ করেন।

- ৫। জনাব আবু হাসান শাহরিয়ার, ইউপি সচিব (সাময়িকভাবে বরখাত্তৃত), দিবর ইউপি, পটুতলা, নওগাঁ এর ২য় কারন দর্শানোর জবাব সন্তোষজনক বিবেচিত না হওয়ায় স্থানীয় সরকার (ইউনিয়ন পরিষদ) কর্মচারী বিধিমালা, ২০১১ এর বিধি ৩৪ এর উপবিধি (ক) ও (খ) অনুযায়ী ‘দায়িত্বে অবহেলা’ ও ‘অসদাচরণের’ দায়ে একই বিধিমালার বিধি ৩৫ এর উপবিধি (খ) (ঙ্গ) এর বিধান মোতাবেক গুরুদন্ত হিসেবে আদেশ জারির তারিখ হতে “চাকরি থেকে বরখাত্ত” (dismissal from service) করা হলো।
- ৬। এ আদেশ অবিলম্বে কার্যকর হবে।

স্ব। —

(মোঃ গোলাম মওলা)

জেলা প্রশাসক

নওগাঁ

ফোন: ০২৫৮৮৮৮০০০ (অফিস)

ই-মেইল: dcnaogaon@mopa.gov.bd

স্মারক নং- ০৫.৪৩.৬৪০০.১০৯.১৩.০৩৬.২৪. ২ ৭০

তারিখ : ২৮ ফাল্গুন ১৪৩০ বঙাব্দ
১২ মার্চ ২০২৪ খ্রিস্টাব্দ

অনুলিপি সদয় অবগতি ও কার্যার্থে প্রেরণ করা হলো:

- ১। সচিব, স্থানীয় সরকার, পটু উন্নয়ন ও সমবায় মন্ত্রণালয়, বাংলাদেশ সচিবালয়, ঢাকা।
- ২। বিভাগীয় কমিশনার, রাজশাহী বিভাগ, রাজশাহী।
- ৩। পরিচালক, স্থানীয় সরকার, রাজশাহী বিভাগ, রাজশাহী।
- ৪। জেলা প্রশাসক (সকল)।
- ৫। উপপরিচালক, স্থানীয় সরকার, জেলা প্রশাসকের কার্যালয়, নওগাঁ।
- ৬। উপজেলা নির্বাহী অফিসার (সকল), নওগাঁ।
- ৭। চেয়ারম্যান, দিবর ইউনিয়ন পরিষদ, পটুতলা, নওগাঁ।
- ৮। জনাব আবু হাসান শাহরিয়ার, ইউপি সচিব, দিবর ইউনিয়ন পরিষদ, পটুতলা, নওগাঁ।
- ৯। অফিস কপি/ অফিসিয়াল ওয়েবসাইট।

জেলা প্রশাসক
নওগাঁ
১২৩৩/২০২৪